

Broj: 06-03-387-13/17/16
Mostar, 20.09.2016. godine

Na osnovu člana 11., člana 17., člana 19. i člana 21. Zakona o naftnim derivatima u Federaciji Bosne i Hercegovine („Službene novine Federacije BiH“ broj 52/14), člana 20. stav (1) i člana 23. stav (1) Statuta Regulatorne komisije za energiju u Federaciji Bosne i Hercegovine („Službene novine Federacije BiH“ broj 24/14 i 91/15), člana 8. stav (1), člana 32. stav (4) i člana 42. stav (1) Poslovnika o radu Regulatorne komisije za energiju u Federaciji Bosne i Hercegovine („Službene novine Federacije BiH“ broj 29/14 i 31/16), člana 78. Pravilnika o javnim raspravama i rješavanju zahtjeva, sporova i žalbi („Službene novine Federacije BiH“ broj 57/12, 71/14 i 31/16), člana 10. stav (2) i člana 17. Pravilnika o izdavanju dozvola za rad (licenci) za obavljanje energetske djelatnosti iz sektora naftne privrede („Službene novine Federacije BiH“ broj 15/16), postupajući po Zahtjevu za izdavanje dozvole za rad (licence) za trgovinu na veliko naftnim derivatima osim LPG-om broj 06-03-387/17/16 od 29.03.2016. godine, podnosioca zahtjeva „SAGA ENERGY“ d.o.o. Sarajevo, Ulica Skenderpašina broj 25, Sarajevo, Regulatorna komisija za energiju u Federaciji Bosne i Hercegovine – FERK je 20.09.2016. godine na XVIII redovnoj sjednici donijela sljedeće

RJEŠENJE

1. Izdaje se Dozvola za rad (licenca) za trgovinu na veliko naftnim derivatima osim LPG-om, podnosiocu zahtjeva „SAGA ENERGY“ d.o.o. Sarajevo.
2. Dozvola za rad (licenca) izdaje se na period od 20.09.2016. godine do 19.09.2021. godine, sa uslovima dozvole koji čine njen sastavni dio.
3. Sastavni dio ovog rješenja čini dozvola za rad (licenca) iz tački 1. i 2. ovog rješenja.
4. Imalac dozvole je obavezan plaćati regulatornu naknadu u iznosu od 5.000,00 KM godišnje u periodu važenja dozvole za rad (licence).
5. Imalac dozvole je obavezan regulatornu naknadu iz tačke 4. ovog rješenja platiti za prvu godinu važenja dozvole u roku od 30 dana od dana primitka rješenja, a za svaku narednu godinu do 31.07. tekuće godine.
6. Ovo rješenje je konačno, te se objavljuje na oglasnoj tabli i internet stranici FERK-a, a dispozitiv ovog rješenja u „Službenim novinama Federacije BiH“.

Obrazloženje

Dana 29.03.2016. godine FERK je pod brojem 06-03-387/17/16 primio preko Federalnog ministarstva energije, rudarstva i industrije od podnosioca „SAGA ENERGY“ d.o.o. Sarajevo Zahtjev za izdavanje dozvole za rad (licence) za trgovinu na veliko naftnim derivatima osim LPG-om, a dopunu zahtjeva FERK je od podnosioca primio 05.04.2016. godine pod brojem 06-03-387-01/17/16.

Postupajući po odredbi člana 9. Pravilnika o javnim raspravama i rješavanju zahtjeva, sporova i žalbi, primljeni zahtjev je pregledan u skladu sa članom 12., članom 19. i članom 21. Pravilnika o izdavanju dozvola za rad (licenci) za obavljanje energetske djelatnosti iz sektora naftne privrede. Nakon pregleda primljenog zahtjeva, a postupajući u

skladu sa članom 10. Pravilnika o javnim raspravama i rješavanju zahtjeva, sporova i žalbi i članom 12. Pravilnika o izdavanju dozvola za rad (licenci) za obavljanje energetskih djelatnosti iz sektora naftne privrede, FERK je podnosiocu zahtjeva 20.04.2016. godine uputio Obavještenje pod brojem 06-03-387-02/17/16 i odredio mu rok od 15 dana radi dostave Zahtjeva za izdavanje dozvole za rad (licence) za trgovinu na veliko naftnim derivatima osim LPG-om i dokumentacije u smislu tog obavještenja. Postupajući po obavještenju, podnosilac zahtjeva je dostavio dopise primljene u FERK 22.04.2016. godine pod brojem 06-03-387-03/17/16 i 10.05.2016. godine pod brojem 06-03-387-04/17/16, uz koje je dostavio dio tražene dokumentacije i obrazloženja. U cilju upotpunjavanja dostavljenog zahtjeva FERK je 26.05.2016. godine pod brojem 06-03-387-05/17/16 podnosiocu uputio Obavještenje o nedostacima podnesenog zahtjeva za izdavanje dozvole za rad (licence) za trgovinu na veliko naftnim derivatima osim LPG-om i odredio mu rok od osam dana radi otklanjanja uočenih nedostataka navedenih u obavještenju. Postupajući po obavještenju, podnosilac zahtjeva je dostavio dopise primljene u FERK 06.06.2016. godine pod brojem 06-03-387-06/17/16, 02.08.2016. godine pod brojem 06-03-387-07/17/16 i 05.09.2016. godine pod brojem 06-03-387-08/17/16, uz koje je dostavio traženu dokumentaciju i obrazloženja, a na osnovu čega je FERK utvrdio da je podneseni zahtjev potpun i da su se stekli uslovi za objavu obavještenja za javnost o nacrtu dozvole.

Na osnovu provedenog postupka tokom kojeg je izvršena pažljiva analiza svih činjenica i podnesenih dokaza na osnovu kojih se moglo utvrditi stanje stvari, FERK je u skladu sa članom 16. Pravilnika o izdavanju dozvola za rad (licenci) za obavljanje energetskih djelatnosti iz sektora naftne privrede, pripremio Nacrt dozvole za rad (licence) za trgovinu na veliko naftnim derivatima osim LPG-om po zahtjevu broj 06-03-387/17/16 od 29.03.2016. godine podnosioca „SAGA ENERGY“ d.o.o. Sarajevo.

Na osnovu člana 1. stav (3) i člana 16. Pravilnika o izdavanju dozvola za rad (licenci) za obavljanje energetskih djelatnosti iz sektora naftne privrede, FERK je Odlukom broj 06-03-387-09/17/16 od 09.09.2016. godine usvojio Nacrt dozvole za rad (licence) za trgovinu na veliko naftnim derivatima osim LPG-om, te Obavještenje za javnost o opštoj raspravi o Nacrtu dozvole za rad (licence) za trgovinu na veliko naftnim derivatima osim LPG-om, kojom je ovaj nacrt upućen u proces javne rasprave.

Ovom odlukom je imenovan voditelj postupka i zamjenik voditelja postupka, te je utvrđeno i da su zainteresovana lica imala mogućnost dostaviti svoje pisane komentare na Nacrt dozvole za rad (licence) za trgovinu na veliko naftnim derivatima osim LPG-om na adresu FERK-a ili na elektronsku adresu, u periodu od 10.09.2016 godine do 19.09.2016. godine do 9 sati, kao i da su lica koja imaju direktan interes učestvovati u postupku izdavanja dozvole, pod uslovom da im je interes različit od opšteg javnog interesa, imala mogućnost podnijeti zahtjev za sticanje statusa umješaća na adresu FERK-a ili na elektronsku adresu, u periodu od 10.09.2016 godine do 19.09.2016. godine do 9 sati.

Dana 15.09.2016. godine u FERK su pod brojem 06-03-387-10/17/16 primljeni pisani komentari podnosioca zahtjeva na Nacrt dozvole za rad (licence) za trgovinu na veliko naftnim derivatima osim LPG-om. Do naznačenog roka nije primljen zahtjev za sticanje statusa umješaća.

U skladu sa članom 16. stav (4) Pravilnika o izdavanju dozvola za rad (licenci) za obavljanje energetskih djelatnosti iz sektora naftne privrede, voditelj postupka pripremio je

pisani izvještaj, te je isti uputio podnosiocu zahtjeva na komentare 19.09. 2016. godine pod brojem 06-03-387-11/17/16.

Podnosilac zahtjeva je povodom navedenog dostavio 19.09.2016. godine dopis primljen u FERK pod brojem 06-03-387-12/17/16 u kojem je naveo da je saglasan sa navedenim izvještajem.

Izvještaj voditelja postupka dostavljen je članovima FERK-a 19.09.2016. godine pod internim brojem 06-08-1239/16 na razmatranje radi donošenja odluke.

Iako je podnosilac zahtjeva zatražio da licenciranu djelatnost obavlja, između ostalog, i za bazna naftna ulja i biodizel, isti nisu uvršteni u dozvolu za rad (licencu) za trgovinu na veliko naftnim derivatima osim LPG-om, sa obzirom na to da je FERK predmetni zahtjev razmatrao u skladu sa članom 32. Zakona o naftnim derivatima u Federaciji Bosne i Hercegovine.

Na osnovu obrade Zahtjeva za izdavanje dozvole za rad (licence) za trgovinu na veliko naftnim derivatima osim LPG-om podnosioca „SAGA ENERGY“ d.o.o. Sarajevo i dokumentacije priložene uz zahtjev, utvrđeno je da podnosilac zahtjeva ispunjava kriterije za izdavanje dozvole za rad (licence) za trgovinu na veliko naftnim derivatima osim LPG-om u skladu sa članom 21. Zakona o naftnim derivatima u Federaciji Bosne i Hercegovine, te članom 25. Pravilnika o izdavanju dozvola za rad (licenci) za obavljanje energetske djelatnosti iz sektora naftne privrede.

Na osnovu navedenog, u dozvoli za rad (licenci) koja je predmet ovog rješenja podnosiocu zahtjeva postavljeni su, u skladu sa članom 26. i članom 28. Pravilnika o izdavanju dozvola za rad (licenci) za obavljanje energetske djelatnosti iz sektora naftne privrede određeni uslovi.

Spomenuti uslovi uvažavaju potrebu, ali i obavezu „SAGA ENERGY“ d.o.o. Sarajevo, da u rokovima propisanim u uslovima dozvole za rad (licence) za trgovinu na veliko naftnim derivatima osim LPG-om iste ispuni, u cilju zadovoljenja propisanih kriterija.

Na osnovu navedenog, odlučeno je kao u dispozitivu ovog rješenja.

POUKA O PRAVNOM LIJEKU:

Protiv ovog rješenja podnosilac zahtjeva može tužbom pokrenuti upravni spor kod Kantonalnog/Županijskog suda u Mostaru u roku od 30 dana od dana prijema rješenja. Tužba se predaje sudu direktno ili mu se šalje poštom preporučeno. Tužba se može izjaviti i na zapisnik kod navedenog suda ili bilo kojeg drugog suda.

v.d. PREDsjednice FERK-a
Sanela Pokrajčić